

罪於玉帝告下五帝神兵罰子之身七祖被拷長閉河源奉者
慎焉

元始天王經

元始天王稟天自然之亂結形未沌之霞託體虛生之胎生乎
空洞之際時玄景未分天光冥逮浩漫太虛積七千餘劫天朗
烝清二暉纏絡玄雲紫蓋映其首六氣之電翼其真夜生自明
神光燭室散虛馥之煙栖心霄霞之境鍊容洞波之濱獨秉靈
符之節抗御玄降之章內烝玄崖潛想幽窮忽焉逍遙流盼忘
旋瓊輪玉輿碧輦玄龍飛精流靄耀電虛宮東遊碧水豪林之
境上懸青霞九曲之房進登金闕受號玉清紫虛高上元皇太

道藏輯要

金根眾經

玉

一斗集十一
XVI

上大道君金簡玉札使奏名東華方諸青宮

受命總統億津玄降玉華之女金晨之童各三千人飛龍毒獸
巨虬千尋攫天奮爪備衛玉關天威煥赫陳于廣庭飛青羽蓋
流紫鳳章金真玉光豁落七元神虎上符流金火鈴結編元皇
位登玉清掌括上皇高帝之真道備烝澄仍讚靈篇三十九章
玉慧激詞演究无窮妙音發於始天玉響啟於洞門故號

能書大洞真經其道極尊與元始俱生高上妙化量難可勝
流音億兆而不休經萬劫而方新自无金簡玉名不得參聞後
學之徒懃志高尚棄累忘塵寂心長阜對景霄晨精齋苦念倦
不敢眠奏金簡玉札記名玉清然後得受大洞真經口訣三元

立到發音駭動九天有得此章上真之根次有金簡奏札玉郎
名參東華便爲真人室招虛生之暉堂降百和之煙玉華侍側
金晨衛形洞鑿極天之崖協三光以通真運五晨以騁駕策飛
龍以御輪上登三素之宮拜謁太帝之前高上元皇之所稟太
上大道之極真微乎元始靈化祕文以付上相青童君掌錄東
華使傳後聖應爲真人者其道寶祕不傳下世輕泄神文身沒
幽源殃及七玄長充下鬼萬不得仙上相青童君曰金簡玉札
出自太上靈都之宮刻玉爲札結金爲簡書以朱文編以紫繩
常以玄雲紫蓋廕其房百和之香散其庭使西華玉女金晨玉
童各三百人典衛靈文元始天王受於太上大道君其真科七
道藏輯要

金根眾經

五

一斗集十一
六文川

百年三傳凡是學者雖未得此文其名皆已逆參青宮但无金
簡玉字爾領仙侍郎典錄玉司常以陰察精麤其有勤尙苦志
皆令玄授此文使奏名玉皇三元東華太上當遣真人授其真
經後聖厭真莫不先奏簡於東華投玉札於上清然後得受大
洞真經精齋苦行上爲真人末學之徒青宮无有金簡之錄玉
格无有玄編之名神經亦不可得而授彼天魔亦不可得而收
真靈終亦不降玉女亦不衛子之身今故稟上皇之科抄集品
次以爲後學開津之徑有心者宜加清齋督志勤尙注念玄真
感徹玉皇奏簡青宮便得誦詠神經通釋幽玄太上尅遣丹輿
飛駟來迎兆身上登玉清然此經禁戒尤重非真不傳

太上常以正月一日七月七日九月九日一年三遣王晨元皇
太極真人領仙玉郎詣東華青宮校定真仙簿錄其有金簡玉
名者卽言奏三元隨學深淺玉童玉女防衛其身若有漏泄輕
真慢法爲玉童所奏雖有金簡卽被除移名鬼官身被風刀之
拷七玄之祖運蒙山之石填積夜之河

凡積學之士每以其日當夷心寂室清齋靜念散香左右朱書
金簡八通紫繩結篇以奏高上玉皇東華青宮玉札八枚以奏
三元先於室內東向叩齒九通讀簡札一過畢口祝上啟太上
高上玉皇三十九帝二十四真甲受生末世久染囂塵感荷先
慶福德所鍾得覩真文今奏金簡言名玉清封付靈嶽長爲天
道藏輯要

金根眾經

卷

一斗集十二
川三又

臣乞白高上記名三元賜給玉童玉女衛身得乘飛霞上昇帝
宮畢起再拜奏高上玉皇金簡上篇

某嶽先生王甲字某甲本命某子某月生某年某月朔日子奏
金簡紫錄玉籍寶文上詣太上高上玉皇三十九帝二十四高
真金簡紫輝玉景瓊宮

右書紫文上一尺連金簡頭

係高上虛皇玉清東華青宮真人王甲稽首再拜

右書一簡上

奏言

右書二簡上

高上虛皇玉晨太上大道君二十四玉皇三十九帝尊甲季世
小臣忝染餘慶福祚所充得參上真謹依立格正月一日上奏
金簡記名東華乞賜編錄降下真靈得乘飛霞上昇帝晨身登
金闕朝謁玉皇謹奏

右三簡上令定

某郡某縣鄉里某嶽道士王甲年如干歲字某甲

右書一簡上

某子生某月子命屬某嶽某帝某里

右書一簡上

太歲某子正月某子一日某子於某郡縣鄉中封某嶽奏

道藏輯要

金根眾經

夷

一斗集十一
川文八

右書一簡上

合用金簡八枚紫繩編之北向讀簡一過畢起執簡再拜

奏三元君玉札上篇

某甲先生王甲字某甲本命某子某月生某年正月朔一日某
子奏金簡玉札仙簿錄籍符上詣白素元君黃素元君紫素元
君三元紫蓋金輝洞房宮

右書一尺白文上連玉簡頭

係三元君玉清始學真人王甲稽首再拜

右書一札上

奏上

右書一札上

太素三元君甲昔有因緣福慶所種得受神經未敢披看謹依東華玄格奉奏玉札記名青宮上言三元乞賜編錄降下真靈得昇帝晨上朝玉真謹奏

右書三札上

某郡某縣鄉里某嶽始學真人王甲年如干字某甲

右書一札上

某子生某月子命屬某嶽某帝某甲

右書一札上

太歲某子正月某朔一日某子於某郡縣里中封某嶽奏

道藏輯要

金根眾經

堯

一斗集十一
川川一

右書一札上

合用玉札八枚以紫繩編之西向讀玉札一遍畢口祝上答

太素元君黃素元君紫素元君甲昔蒙真師盟授真經今奏玉札記名三清乞賜給玉女真靈降身得乘紫霞上登帝官畢起再拜奏東華青宮上相金簡一篇某嶽先生王甲字某甲本命某子某月生某年正月某朔一日某子奏金簡青錄仙籍文上太清玉寶金闕上相高晨師東海青童君東華方諸青宮

右書青文一尺上連簡頭

係高上玉清青童上相始學真人王甲稽首再拜

右書一簡上

奏言

右書一簡上

太清玉寶金闕上相高晨師東海青童君甲沉染下俗慶運所
充福祚下流得生人道參真係炁志在絕跡栖身長阜託廕靈
嶽謹案玄科奉奏金簡記名上宮乞賜上編玉清降下神真得
離下世上昇金闕進朝玉皇謹奏

右書三簡上

封金簡玉札五嶽上法

某郡縣鄉里某嶽始學真人王甲年如干字某甲

右書一簡上

道藏輯要

金根眾經

李

一斗集十二

某子生某月子命屬某嶽某帝某星

右書一簡上

太歲某子正月某朔一日某子於某郡縣鄉里中封付某嶽奏

右書一簡上

合用金簡八枚以紫繩結之東向讀簡一過畢口祝上啟

太清玉寶金闕上相高晨師東海青童君甲宿緣福慶充流後
代蒙真師成就得受上經謹奏金簡記名青宮乞賜編錄掌付
玉郎普告諸天諸地洞清洞淵洞源五嶽眾仙咸見右別降以
真靈得乘飛霞上昇三清畢起再拜三面奏簡都畢還東向叩
齒九通咒曰

元綱玄邈天真幽冥蒙受先慶福加來生昔緣真師誠授寶經
敢告三元上奏玉清金書東華錄籍記名長爲帝臣希降真靈
賜給玉童玉女衛形得乘飛霄上昇金闕拜謁玉庭畢仰嚥液
丸過止都記以簡札埋於所屬嶽令玉皇篇在北三元篇在西
青宮篇在東入土三尺堅築其上埋畢北向伏地叩齒九通又
咒曰

名奏玉格錄字上清金闕玉札結篇皇庭高上玄遐三元幽冥
真官來降謹關有靈封簡神嶽錄奏三清列上東華著我玉名
得乘玄輿飛霞綠輶上造三元騰身帝晨訖起再拜元始天王
所受太上投簡求仙上法三奏簡札九年之內玉皇尅降丹精

道藏輯要

金根眾經

空

一斗集上

玉芝龍璽鳳章太極真人來降子房三元尅遣玉童玉女三十
六人上相青童尅告五嶽給以仙官飛霞玄蓋迎子之身上昇
金闕之宮太上寶祕此文不傳於世故付上相青童掌錄以校
真仙簿籍傳付應爲真人者若有骨蒸相宜或精求苦念感徹
上清得見上文其名便以逆注青宮依科奏簡便成真人太上
以西華玉女三十六人侍衛靈篇記功明善子有此文常當燒
香禮念如奉君父神明自當降見於寢房也違科泄慢則身沒
鬼官長閉地獄萬不得仙明慎之焉諸學仙之家无此文不
得妄動三十九章玉清寶經凡誦玉經皆駭動九天諸天王悉
禮伏聽音所徹高遠所制不小詠誦之日東華領仙玉晨卽校

玉名有奏金簡者卽普告諸天諸地三界悉使詣界稽首无有金名玉札而誅三十九章則遙動高上卽下執司右別妄叩神經之者皆忘神失精意性錯異怒喜无常也學者億萬至於合真无一歎苦求尋而鮮不中敗或自頽懈或興憤忿作性罵詈誅擊神鬼或毀謗神文疑惑不真或泄漏寶訣形露世間此皆由東華无有金名不爲三界稱善而爲眾魔所乘萬試所敗死之徵也故三十九章不可得而妄動有得此經宜加禮拜清齋修奉不妄詠誦久久自然當得金簡玉篇也

謁青宮投金簡玉格

凡學道道成應真人皆先詣東華方諸青宮投簡謁青童君也

道藏輯要

金根眾經

卷

一斗集上

東華有六門門內週迴三千里

東門名青華門門郎姓邱名伯淵主學仙簿錄所經

南門名神華玉門門郎姓玉名祖思主真人神仙出入所經

西門名玉洞門門郎姓庾名尙節主高上眾真玉皇三十九章

二十四玉真西龜王母所出入

北門名王陰門門郎姓史名少華主真仙及始學者犯紕退降所經

東南門名天關門門郎姓名名五華主人宿命因緣簿錄得仙所由

東北門名寒水門門郎姓童名林都主鬼爽轉敘所經

右六門治天東鶴山門有獅子巨獸各三百頭衛門侍門各三千守土學道之人宜先知門名次第有知者則爲不死名便得奏青宮然當入室燒香常存念門名及門郎姓字九年尅得乘雲昇門也此道祕在玉寶宮內有得知者白日昇天輕泄傳付非真長閉夜獄終不得輕於東華青宮也門內有三宮

第一宮名方諸青宮

第二宮名玉寶青宮

第三宮名玉華青宮

宮內有玉樹數百株上有鴟鵂鳳凰九色之鳥下有芝草玉井自生之泉飲之壽同三光獅子天獸附牆上相青童君治在方

道藏輯要

金根眾經

奎

一斗集十一

諸青宮之內金殿瓊房之裏眾眞侍女三千人侍衛左右玄暉自映神燭自明青霞廳其上紫霄繞其房宮內北殿上有金格格上有玉格格上有學仙簿錄及玄名年深深淺金簡玉札有十萬篇領仙玉郎典之有知者白日昇天玉寶王上相大司馬高晨師治玉寶青紫宮雲繞其房虛煙生其堂自明神燭照其內眾仙玉女三千人侍衛左右宮內北殿上有金格格上有金章鳳壘玉札丹青羽蓋昇仙法服以給成眞之人又有學仙品目進敘及退降簿錄侍仙玉晨典之有知者白日昇天東海青華小童治在玉華清宮紫雲蓋其上日月夾其宇眾仙玉女三千人侍衛左右宮內東殿玉格上有寶具經三百卷玉訣九千篇

主學仙簿錄應爲真人者授之玉晨監仙侍郎典者白日昇天
東華青宮俯仰之格

青童君曰凡學道求仙宜知俯仰之格有知者其名便以逆注
青宮當懃心苦念入室燒香存想六門三室之內使分明羅列
便叩齒三通仰咒曰

上清玄晨三宮六門典我玉名降我神真龍裙羽章以給我身
上昇玉清東華投篇名刻金格長爲帝賓畢嘯炁九過止如此
九年尅得真靈下降玉女兒形玄雲綠輶來迎子身凡修此道
不得履淹入穢常當清齋念真真无不降其法祕要不得妄傳
傳非其人殃及七玄身被風刀之拷真人投簡正儀

道藏輯要

金根眾經

齋 一斗集十一

凡學道道成皆先詣東華青宮投金簡更受仙號當至神華玉
門未至門夾門有兩玉闕當伏闕左投簡須臾當報便起進門
下又伏門左須臾當有四真人出引前便起直進方諸青宮伏
於階下臨時自當有侍者唱讚聽唱便起再拜真人引上殿上
當從南階左行上伏於殿前須臾當有領仙玉郎齋金簡紫籍
來校定玉名名參紫簿卽授玉札更署真仙之號上昇玉清羽
童丹青飛裙金真玉光流金火鈴玉童玉女各三十六人仙官
三十六人受署畢便起再拜退還階下又再拜至門止又再拜
皆向宮也至時自當有所主統所治住止遊於五嶽之儀格也
此青宮舊格不得妄傳未成真人者詣東華方諸青宮上相書

童君几前

某嶽先生壬甲年如千歲一名某字甲某月生右金簡儀書一簡上

此學道道成上詣青宮投金簡受署真人上格上相藏於玉寶之宮不傳下世若有得者便是骨相合仙名應玉格自然亦得上昇青宮也此法尤重不得妄宣有犯被拷三官深宜慎之

上清金闕宮俯仰之格

上清金闕宮在三元宮之北相去五萬里高上所處之東去玄羽野西鶴山九千里處玉清之西與天關連臺外有四門門有兩闕一闕金一闕玉皆夾門左右門有羽衣守士各三百人獅子巨獸各三百首內有清精玉芝流霞之泉

道藏輯要

金樓藏經

奎

一斗集十一

東門名玉景金融門門有二玉晨王執九節之麾各鎮一半高上玉清虛皇太真之賓出入之所經

南門名洞寶瓊雲門主真人飛仙遊宴八極周行五嶽出入之所經

西門名玄京玉寶門主學仙受署真人進敘錄簿所由經也北門名朔陰極雲門主真人犯非退降偏皇之任學素簡所經由也

凡有四門門有兩闕金闕在左玉闕在右並高九千丈金闕以金爲柱紫雲爲蓋刻金題闕殿真人飛仙之號玉闕以青玉爲柱

綠雲爲蓋刻玉題闕上皇太真之號八闕悉如是闕下則有青龍白虎處在左右天 一虬備衛玉闕玉童玉女各三百人散香其間闕上有九層金臺虛上玉晨領仙君所住門內週迴七千里金闕宮處在中央中有金輝紫殿瓊房玉室後聖金闕帝君所住紫雲殿其上綠霞繞房日月夾照神燭自明金真玉女散香虛庭流光八玄風鼓玄旌迴舞旄蓋玉樹激音琳枝白籟百響互生此金闕之上館眾真之所經其有四極真人主領學仙簿錄進敘退降及始學儀則皆由四極真人也

真人奉玉札儀格

夫學道道成皆詣東華青宮校定金名退更清齋三月書玉札

道藏輯要

金根服經

奕

一斗集十二

一枚詣金闕謁金闕帝君儀法當於洞寶瓊雲門外投玉札伏地須臾待報便起再拜四極真人當引入進金闕下又在金闕左玉闕右伏地須臾真人引進紫殿當從左行繞玉景金融門週東南行上登殿下伏階左領仙玉郎以紫鳳丹章飛行玉清飛青羽蓋丹錦飛裙十絕龍幡使登三元宮流金火鈴玉札金章令召千靈流雲玄霞九龍玉輿受號真仙飛行太空侍唱儀則事畢便起再拜稽謝三週此受號而已未得便見帝君畢當直行詣朔陰極雲門金闕下東向伏地稱遊學先生王甲今受帝君真仙之號不勝喜慶謹詣闕謝聞乞丐虛上玉晨領仙君記名玉闕係在真仙之次起再拜次詣玄京玉寶門金闕下南

向伏稱如上法次詣洞寶瓊雲門金闕下西向伏稱如上法次
詣玉景金闕門金闕下東向伏稱如上法詣四門入闕畢還從
玉景金闕門外更再拜伏地四極真人當齎金札玉章授其身
時自當有五嶽仙官雲車來迎也其時自當有所之方而掌統
靈嶽之任也

詣玉清金闕宮後聖帝君几前

某嶽先生臣王甲年如干歲字某甲

右金簡文書一簡上

真人謁金闕投簡受號上法此學道道成上詣金闕謁金闕帝
君更受眞仙之號拜謝儀則帝君常所寶祕以授成眞人之者
道藏輯要
金根眾經
一斗集十一
不傳下世有得金闕宮名及金簡儀則此名逆注金格亦自然
得登金闕也

金闕宮門名此皆九天之隱名於地上之音異故高上虛皇道
君經易有九天之上西北門名易有去玄京寶門三千五百里
然進明梁之悉二門相通也取眞之所遊敘次之所關既登易
有之門便上昇帝堂得謁玄景玉寶便得進朝三元學者未登
此門宜知門名若徒涉山林絕志人間而不知門戶之所由天
眞之儀格何由得登金闕之宮夫存思之道不知神明所在神
固不降欲登金闕上詣東華不知其名格宮因何登此乃出九
天之上祕於金闕之裏知之者不死得者飛仙學者成眞人世

問不學之士有知金闕宮名天下三界稱善萬神禮形千妖喪
目而況於積學之家耶其道寶貴不得輕傳非其人殃及七祖
已身受考死復仙冀矣 真人披天關飛仙上法

天關者是九天之生門也治在九天東南角一名天圖一名天
關故爲三關也眾真之所經神仙之所歷學者之由也其去金
闕五千里玉清上宮七千里得披三關便得上登金闕遊宴玉
清也

第一天關上有九層玉臺去地一千二百丈下有長蛇數千飛
龍毒獸備守玉闕巨士三千人皆備交金之領奮牡門端太虛
玉晨監字虛上明處在玉臺之上飛雲流霞夾映其房日月玄

道藏輯要

金根厭經

奕 一斗集十一

照光洞玉清侍者真仙三百人主上真出入開關所由

第二天圖上有六層玉臺高九百丈下有長蛇數千飛龍毒獸
備守玉闕巨士三千人皆備交金之領夾門兩端太上監真玉
郎字玄上伯鎮在玉臺之上丹雲紫蓋鬱房玄光日月映其間
侍者真仙三百人主監眾真遊宴之所經

第三天關上有三層玉臺高六百丈下有長蛇數千飛龍毒獸
備守玉闕巨士三千人皆備交金領夾衛兩端太帝監真玉司
郎字无常生領生玉臺之上玄雲蓋其上虛煙覆其庭自明之
光煥其形侍者真仙三百人主上天眾真地下眾真簿錄簡籍
所關由之凡受投金簡玉名之道當修披天關之法當當朝夕

入室燒香叩齒十二通東向心拜四方存思見九天之端三關之下歷然分明都盡次存七星在天之上隨運而轉我身在天關星上七星運我身至天關玉臺之下便投玉札一枚奏名太虛玉晨監自通見玉晨監以札記著玉格之上通我身至天圖之下

次存我身還七星之上七星運我至天圖玉臺之下便投玉札一枚奏太上監真玉郎前自通見監真玉郎以札記著玉格之上通我身在天關之下

次存我身還七星之上七星運我至天關玉臺之下便投玉札一枚奏太帝監真玉司郎前自通見監真玉司郎以札記著玉格之上通我身至金關之下玉清之宮

道藏輯要

金根眾經

卷

一斗集十一

次存失去七星身在空中玄之上溟濤之中無所倚見須臾覺在金關玉景金融門之上投金札一枚見四極真人以玉案承札入奏金闕帝君前四極真人報與我俱登玉清之上次存玉清之上四極溟然无崖唯見青炁鬱鬱仰亦无天俛亦无地唯見中央有金門四達內有瓊宮玉立金枝夾生兩邊巨龍走獸遊戲其巔存我周遊其間良久覺如睡眠已遠寤床身中覺悅悅惚惚如體蹈空存遊洞都畢便叩齒三十六通仰天咒曰
三華寶曜玉都開明玄暉敷陳映監无形金簡綠字尅奏玉名
朗觀九天上戲三清天關三圖迴登紫庭金闕受號東華記生

得乘八景翬御飛駟畢嘖炁九過止

凡學之人而不知披天之關奏簡記名之道萬亦无成也三關總統諸天諸地上真飛仙及始學簿錄莫不經於三關者也凡積學之徒能使九天三關有玉名三關玉晨奏於太上帝之宮帝君自當遣玉童玉女各十二人營衛子身此大帝之上篇以傳天帝君天帝君以傳南極上元君南極上元君以傳太微天帝君太微天帝君以傳金闕帝君金闕帝君以傳上相青童君使教後學應爲真人者依玄科七百年內聽得三出上元君以西華玉女九十人衛在南極紫房之內

青童君曰有骨相應玄得見此道知有投簡之法便成真人但

道藏輯要

金樓觀經

卷

一斗集十一

其科尤重不得輕泄夫學者積億遇真者幾人故中央黃老君云得見大洞真經三十九章便白日昇天而有脩之者積年无成便謂經之不真此皆坐由東華无有金簡之目金闕无有玉札之名真不爲其降而爲天魔所乘故有不感之效徒得神經萬亦不成矣向使先奏金簡於青宮奉玉札於帝皇得給金晨玉童西華玉女侍衛靈文普下諸天諸地三界稱善詠章萬遍豈不有致瓊與紫駟之感耶

披三關投玉札昇仙上文詣天闕玉臺太虛玉晨監几下某郡縣里鄉真人王甲年如干歲字某甲

指天圖玉臺太上監真玉郎几下某郡縣鄉里真人王甲年如

千歲字某甲

詣天關玉臺太帝監真玉司郎几下某郡縣鄉里真人王甲年如千歲字某甲

右書三玉札上令長一尺六寸

披金闕投玉札昇仙上文詣金闕宮玉闕帝君几前某郡縣鄉里真人王甲年如千歲字某甲某月生

右書玉札上令長一尺六寸

青童君云无有金簡者銀木亦可當无有玉札者桐木亦可當但命精好直理无關節耳

青童君曰存披天關天圖天關上登青宮金闕玉清之道當書

道藏輯要

金根眾經

圭

斗集十一
川卷上

玉札先入室叩齒十二通東向讀札畢仍備修存念之道畢取札祕於雲錦之囊常燒香左右不得輕露此上真之至號玉郎之靈篇也

若有金名玉字逆注青宮得見此道當依太真之科齋金簡玉札各一枚長一尺六寸廣二寸四分金龍玉魚各一枚紫繒百尺青紋四十尺以爲太真之盟奉有經之師師東向受者北向告北帝爲盟告七祖爲誓約不宣泄之信當依立科七百年內三傳傳非其人七玄之祖長充鬼役身沒九泉萬不得仙篤志之士希仙之夫當案科而奉真依文而修焉